



藏經書院版

正續藏經

第 120 冊

中國撰述

禪宗語錄別集部

禪宗語錄通集部

新文豐出版公司 印行

# 卍續藏經第二二〇冊目錄

新文豐出版公司影印卍續藏經會編印

## 中國撰述 禪宗語錄別集部

善慧大士語錄四卷……………唐樓 穎錄……………0001

龐居士語錄三卷……………唐于頔編集……………0055

汾陽善昭禪師語錄三卷……………門人楚 圓集……………0083

石霜楚圓禪師語錄一卷……………小師慧南重編……………0161

瑯琊慧覺禪師語錄一卷……………參學元 聚集……………0186

## 中國撰述 禪宗語錄通集部

黃龍慧南禪師語錄一卷……………0187

雲菴克文禪師語錄六卷……………嗣法福 深錄……………0210

寶覺祖心禪師語錄一卷……………侍者子和 錄  
門人仲介重編……………0216

死心悟新禪師語錄一卷……………0244

超宗慧方禪師語錄一卷……………0258

W 172/10

雪峰慧空禪師語錄一卷..... 嗣法慧 編 0 2 7 4

長靈守卓禪師語錄一卷附室中垂語百問一卷..... 嗣法介 謚編 0 3 0 7

雪菴從瑾禪師頌古一卷..... 0 3 3 6

楊岐方會禪師後錄一卷..... 0 3 4 0

保寧仁勇禪師語錄一卷..... 參學道勝 門人圓淨 錄 0 3 4 6

白雲守端禪師語錄二卷..... 參學處疑 智本 小師海譚 錄 0 3 8 1

白雲守端禪師廣錄四卷..... 參學處疑 智本 小師海譚 錄 0 4 0 0

開福道寧禪師語錄二卷..... 嗣法小師善 果集 0 4 5 0

月林師觀禪師語錄一卷..... 侍者 法寶 法塔 法慶 法會 法性 法心 法見 錄 0 4 8 3

無門慧開禪師語錄二卷或三卷..... 侍者 普覺 普光 普祖 普一 普見 錄 0 5 0 0

普菴印肅禪師語錄三卷..... 0 5 2 9

佛果克勤禪師心要四卷..... 嗣法子 文編 0 6 9 6

虎丘紹隆禪師語錄一卷..... 參學嗣 端等編 0 7 9 1

應菴曇華禪師語錄十卷..... 嗣法守 詮等編 0 8 0 4

瞎堂慧遠禪師廣錄四卷..... 參學 祖淳法慧 編 0 8 9 9

0 0 0 2

善慧大士錄序

菩薩戒弟子國子進士 樓穎 撰

夫諸佛菩薩現三身遊十方世界弘六度以攝五道衆生衆生之性邪見妄取言將行違性與理背雖欲服勤冥奧蓋傷洪源而智不能知慧不能照適足以爲名相爲蓋爲纏乃見讎魔冤受制外道倒履六塵之境攘臂三界之內無復突國陷陣先鋒而出者悲夫聖人所以恢張逸網爲大權之教或昔爲能仁之師今爲弟子或祕菩薩之行現聲聞之學於是以清淨爲戰場以持戒爲守禦以金剛爲鋒刃以方便爲間諜以會衆爲將士以說法爲號令遂與無數部五共破魔城城內諸魔悉皆降伏歡喜踴躍發菩提心者無量無數矣自雙林涅槃之後法輪輟軌慧日韜暉使六道衆生狴牢日固故我諸佛菩薩悲其若此所以用威神之力現無數身將以解其肩鏹而示之要會故世之言雙林大士自云是彌勒應身明矣不然何以有自然無師之智超出凡夫之中辯才無方立解經藏恒以護持正法發衆生之靈覺皆如經言

維摩之奉戒清淨蓋以攝諸毀禁俾歸正道者也時梁武帝以皇王之責精勤佛寶由是與人間出共羽翼正教如大士之時比丘僧則有智者頭陀慧集慧和普建普成居士則有傳普敏徐普拔潘普成昌居士皆六度四等清心淨行以嚴持於身放生蔬食醫病救苦以泛愛於物造立塔廟崇飾尊像以嚴佛事敷演句偈闡揚經論以廣多聞此皆是不可思議之人行不可思議之事迭爲表裏用度難信難化之人欲使其得登無上之道見當來之佛耳穎以煩籠久曠長夜未曉恨不得於日月之下親承鑿燭猶願上生兜率下會龍華故以伐木思人聞韶忘味將恐芳塵散逸後來無聞遂追訪長老編而次之以爲傳八卷以示于後云耳

善慧大士錄卷第一

大士姓傅名翕字玄風東陽郡烏傷縣稽亭里人烏傷卽今義烏縣也父名宣慈字廣愛母王氏世爲農以齊建武四年丁丑歲五月八日生端靖淳和無所愛著少不學問時與里人漁每得魚常以竹籠盛之沈深水中祝曰欲去者去止者留時人以爲愚梁天監十一年年十六歲娶留氏名曰妙光有子二人曰普建普成普通元年年二十四泝水取魚於稽停塘下遇一胡僧號高頭陀語大士曰我昔與汝於毗婆尸佛前發願度衆生汝今兜率宮中受用悉在何時當還大士瞪目而已頭陀曰汝試臨水觀影大士從之乃見圓光寶盃便悟前因乃曰鑪韜之所多鈍鐵良醫門下足病人當度衆生爲急何暇思天宮之樂乎於是棄魚具携行歸舍因問修道之地頭陀指松山下雙橋樹曰此可矣卽今雙林寺是大士於此結菴自號雙林樹下當來解脫善慧大士種植蔬果爲人傭作與妻妙光晝作夜歸敷演佛法苦行七年一日宴坐次見釋迦金粟定光三佛來自東方放光如

日復見金色自天而下集大士身從是身常出妙香每聞空中唱言成道之日當代釋迦坐道場旣而四衆常集問訊作禮郡守王休謂是妖妄囚之數旬大士唯不飲食而衆益歎異遂釋之大士還山愈加精進遠近願師事者日衆每日鐘鳴有仙人騰空而下隨喜行道嘗謂弟子曰我得首楞嚴三昧又曰我得無漏智弟子僉曰首楞嚴三昧唯住十地菩薩方能得之故知大士是住十地菩薩示迹同凡耳大士欲導群品先化妻子令發道心卽捨田宅請四衆設大會而說偈曰

捨抱現天心 願資爲善會 願度羣生盡  
俱翔三界外 歸投無上士 仰恩普令盍

是年饑饉設會之後家無剩儲同里傳昉傅子良等入山供養大士化諭妻子鬻身助會妙光受命乃曰唯願一切衆生因此同得解脫大通二年三月同里傅重昌傳僧舉母以錢五萬買之大士得錢卽營設大會乃發願曰弟子善慧稽首釋迦世尊十方三世諸佛盡虛空遍法界常住三寶今捨賣妻子普爲三

界苦趣衆生消災集福滅除罪垢同證菩提後月餘  
傅氏悉遣妙光等還山。大士有僕亡匿爲盜時有同  
里傳昉傳陞馨產來施。大士轉爲亡僕營救苦齋。周  
七七。日妙光紡績傭賃。曾不少休。傳昉亦質妻子得  
米來作供養。大士復轉給諸修道者。自後靈異益多。  
人或誘毀。大士倍生慈愍。一日去叔家。自稱我是彌  
勒。故來相化。叔可作禮。叔遂作禮。又欲往從。祖孚公  
孚初不信。妙光諫曰。他謂汝失心。豈有叔祖作禮之  
義。慎無往也。大士卽撲胸前作金色。出天香以示妙  
光。妙光猶言勿往。大士竟詣孚所。說令設禮。孚固不  
從。大士歸。妙光問曰。孚作禮否。答曰。今雖未禮。明日  
會當步步作禮。是夜孚夢八人迎大士去。孚隨之。問  
人叱曰。汝高慢不從聖訓。今復何問。俄見大士金相  
奇特。翔空而行。孚追之。但見石壁橫空。大士侍從直  
過。無礙。孚不得而前。既寤。悲悔遲明。入山。浸聞異香。  
遙見大士雨淚稽首。願爲弟子。大士曰。我從兜率天  
下。正爲相接耳。孚公遂卽依止。三業清淨。時有沙門  
慧集來。至雙林。大士爲說無上菩提。慧集願爲弟子。

初大士感夢。頂左邊出五色圓光。身昇虛空而下。至  
所住山東南面頂上。及寤。慧集來便留此山。爾後慧  
集處處教化。常言大士是彌勒。應身大士。凡講說及  
作功德。請佛停光。兩眼常出金色。光明告大衆曰。學  
道者不值無生師。終不得道。我是現前得無生人。昔  
隱此事。今不覆藏。以示汝等。又弟子禮拜大士。因謂  
之曰。汝莫禮我。但禮殿中佛。卽我形像。又曰。我於夢  
中憶得過去師名曰善明。世尊或問曰。善明世尊得  
道時。師耶發心。時師耶答曰。非發心。時師也。彼佛出  
世時。我爲國王。供養彼佛。彼佛壽八萬歲。我作佛時  
壽量亦爾。我夢得師名悲相。憶念一夕。雨淚。又曰。我  
夢見釋迦以手掌來合我手。問曰。此是何相。答曰。此  
是我心與世尊心相應耳。  
中大通三年。大士與弟子於雲黃山所居前十許里  
開鑿爲精舍。乃種麻荳芋菜等。及至秋稔。忽有賜激  
里賈曇頰來爭其地。大士卽與之大士居松山。雲黃  
兩處林麓。葱蒨其中。多有猛獸。人常畏之。大士常以  
餘食飼之。自茲伏匿。

大通六年大士言雙林僻處教化衆生不廣乃欲詣  
闕見天子宣揚正教以正月十八日遣弟子傅陞奉  
書於梁武帝曰雙林樹下當來解脫善慧大士白國  
主救世菩薩大士今欲條上中下善希能受持其上  
善以虛懷爲本不著爲宗無相爲因涅槃爲果其中  
善以治身爲本治國爲宗天上人間果報安樂其下  
善以護養衆生勝殘去殺普令百姓俱稟六齋今大  
士立誓紹弘正教普度羣生故遣弟子陞告白陞奉  
書至都詣大樂令何昌昌見書難曰國師智者尙復  
作啓況大士國民忽作白書豈敢呈通陞曰頃從東  
來恐無人爲達此書乃心立誓燒手於御路側庶得  
上聞昌聞是語即將此書往同泰寺見潘法師共議  
以表進上有詔赴闕大士即以十二月十九日至蔣  
山閏十二月八日辰時到闕初武帝聞大士神異即  
試命闍人預鎖諸門大士心已先知預作大木槌一  
雙先扣一門諸門悉啓直入善言殿唱拜不從徑登  
西國所貢寶榻此榻昭明太子智者法師泊大士得  
坐耳帝問大士師事從誰答曰從無所從師無所師

事無所事設食竟遂還鍾山定林寺詔令資給自是  
天下名僧雲集此處常降甘露

大同元年正月帝幸華林園重雲殿請四部衆自講  
三慧般若經于時公卿連席貂綬滿座詔特爲大士  
別設一榻四人侍接時有劉中丞至問大士何以不  
臣天子不友諸侯大士對曰敬中無敬性不敬無不  
敬心講衆既集帝陞殿唯大士不起中丞又問其故  
大士對曰法地若動一切法不安時諸王公遂覲請  
大眾誦經唯大士嘿然人問其故對曰語默皆佛事  
也太子遣人問曰何不論議對曰當知所說非長非  
短非廣非狹非有邊非無邊如如正理夫復何言講  
衆既散帝因賜水火之珠大踰徑寸圓明洞徹以大  
士山居水火難致故以此珠賜之大士常用取水火  
於日月時王公貴人有至大士所見大士坐不正問  
曰何不正坐答曰正人無正性側人無側心一日帝  
延至壽光殿說法至夜方出

四月復還雲黃山至九月二日又遣傅陞奉書於帝  
曰雙林樹下當來解脫善慧大士白國主救世菩薩



今有如意寶珠清淨解脫照徹十方光色微妙難可  
思議欲施人主若能受者疾至菩提帝詔曰若欲見  
願甚佳也

大同五年始重入都行至鍾山以狀上帝曰帝豈有  
心而欲辨大士豈有義而欲論耶帝答曰有心與無  
心俱入於實相實相離言說無辨亦無論

三月十六日帝於壽光殿共論真諦大士曰息而不  
滅帝曰若息而不滅此則有色故鈍大士曰一切諸

法不有不無帝曰謹受旨矣大士曰一切色像莫不  
歸空百川不過於大海萬法不出於真如如來於三  
界九十六道中獨超其最普視衆生有若自身有若  
赤子天下非道不安非理不樂帝默然大士退至十  
八日大士作偈進帝答息而不滅義其辭曰

若息而滅 見苦斷集 如趣涅槃 則有我所

亦無平等 不會大悲 既無大悲 猶有放逸

修學無住 不趣涅槃 若趣涅槃 鄣於悉達

爲有相人 令趣涅槃 息而不滅 但息攀緣

不息本無 本無不生 今則不滅 不趣涅槃

不著世間 名大慈悲 乃無我所 亦無彼我

遍一切色 而無色性 名不放逸 何不放逸

一切衆生 有若赤子 有若自身 常欲利安

云何能安 無過去有 無現在有 無未來有

三世清淨 饒益一切 共同解脫 又觀一乘

入一切乘 觀一切乘 還入一乘 又觀修行

無量道品 普濟羣生 而不取我 不縛不脫

盡於未來 乃名精進

大同六年辭帝東歸後數月以功德事復至都下止

蔣山遺傳唯奉書於帝曰雙林樹下當來解脫善慧

大士白國主救世菩薩皇帝性合正道履踐如大

士爲菩提下而故高皇帝爲菩提高而故下機緣感

應故成佛事今者故來普勸一切同修正道謹白時

何昌使外此書未達時有沙門問曰大士今日大耶

後日大耶對曰亦可今日小後日大亦可今日大後

日小何以故凡地修聖道果地習凡因常行無所踐

常度無度人時因啓帝置寺於雙橋間號雙林寺前

此兩樹根株異植枝葉連理各有祥氣出木窠中上

有雙鶴和鳴棲翔大士還造佛殿殿前先有白楊樹  
枝葉秀異經行其下常聞天樂時降甘露大士令伐  
此木爲殿中像木間刀匠自至復於樹所創磚塔九  
層至今存焉躬寫經律千有餘卷白佛誓願衆生離  
爲解脫大士三至京師所度道俗不可勝計

大同七年謂弟子曰我於賢劫千佛中一佛耳若願  
生千佛中卽得見我弟子問曰若復有人深障大士  
還先知否答曰補處菩薩有所不知耶我當坐道場  
時此人是魔使爲我作障礙我當用此爲法門汝等  
但看我遭此惱亂不生瞋恚汝等云何小小被鄣而  
便欲分天隔地殊我亦平等度之無有差也又曰我  
是如來使從如中來耳弟子曰師旣如是何故無六  
通答曰聲聞辟支尙有六通汝視我行業緣起若此  
豈無六通今我但示同凡耳一日又告衆曰我捨此  
身時期嵩頭陀暫過忉利天不久還兜率天汝願生  
彼卽得見我也

大同八年乃立誓持上齋作願文曰弟子善慧今啓  
釋迦世尊十方三世諸佛盡虛空遍法界常住三寶

弟子自念今生無可從心布施拔濟受苦衆生自今  
立誓三年持上齋每六月日不飲食以此飢渴之苦  
代一切衆生酬償罪業降促苦劫速得解脫以不食  
之糧廣作布施願諸衆生世世備足財法無量永離  
愛染不作三業得大總持摧伏諸魔成無上道

大同十年大士以佛像經又委諸善衆又以屋宇田  
地資生什物悉皆捐捨營立精舍設大法會啓白諸  
佛普爲十方三世六道四生怨親平等供養三寶及  
一切衆以爲佛事此世界十方無邊國土一切衆生  
若有身口意業造作一切無量衆罪因是墮大地獄  
或復業報畜生嬰受衆苦或復出生人間貧窮下賤  
盲聾瘖啞諸根不具或復枷鎖徒流牢獄繫閉無量  
苦厄或不見佛不聞法不見僧不值知識解脫無因  
以此供養仰請世尊慈力除滅速得解脫遇善知識  
聞法悟道發菩提心大士家資屋宅傾捨旣盡無庇  
身之地創立草菴妙光亦自立菴草衣木食晝夜勤  
苦僅得少足俄有劫賊羣至以刃駭脇大士初無懼  
色徐謂之曰若要財物任意取之何爲怒耶賊去家

空猶有米二百餘斛乃自念言由有身故乃生諸人  
罪業壽終之後必墮地獄長嬰大苦遂乃捨米百斛  
爲諸劫賊設會供養三寶爲懺罪惡舍前小塘偶自  
枯涸大士盡取虫魚投大江中死者葬於山下牛犬  
死者亦葬之深念是等輪回苦趣解脫無期又捨米  
二百斛爲魚犬等設會供養三寶乃仰聖則遂有偈  
曰

昔賢捨頭目 王子救虎身 慈尊推國走

修忍拔怨親 今余聞此德 仰慕菩提因

傾資度牛犬 捨命濟魚身 願爲常樂友

共趣涅槃津 同會俗無俗 齊證真無真

太清二年二月大士復捨田園產業以十五日設會  
爲此國土遍十方普佛世界六道四生怨親平等供  
養三寶諸佛住世普度羣生乃說偈曰

傾資爲善供 歸命天中天 仰請停光照

流恩普大千 三塗皆解脫 六趣超自然

普會體無體 齊證緣無緣

又偈曰

隱崖修正道 憩茲三十餘 遠魄山林友  
歸命帝玄虛 設會宣經懺 爲彼盪塵墟  
普願無暇穢 心淨等芙蓉 竝契三空理  
同證一如如

大士又欲持不食上齋及燒身爲燈遍爲一切供養  
三寶三月十五日乃謂衆曰昔聞月光大士捨頭弘  
施太子救窮濟乏無恪命財經之所明此人不久成  
佛故余不揆凡微仰慕聖則乃立心誓捨身命財普  
爲一切供養諸佛謹持不食上齋而取滅度執志燒  
身爲大明燈爲一切供養三寶今取來月八日遂先  
告衆曰莫懷憂惱夫物有生有死事有成有敗天下  
恩愛皆悉離別今捨此穢濁之身當得無生清淨法  
身唯願徒衆無懷悲戀生生世世不相捨離永爲眷  
屬至成佛道但自相率共辨樵薪於雙林山頂營行  
火龕願以此因緣當來世界必爲佛事普度一切共  
同解脫至四月八日弟子留堅意范難陀等十有九  
人各請奉代師主持不食上齋及燒身供養三寶又  
弟子朱堅固燒一指爲燈陳超捨身自賣姚普薰習

朗等備質各以得直供養師主普願一切捨身受身  
 常值諸佛聞法悟道證無生是月九日弟子留和  
 睦周堅固二人燒一指燈弟子樓寶印刺心葛玄杲  
 割左右耳比丘普提優婆夷駱妙德二人割左耳比  
 丘智朗智品等二十二人割右耳發願曰弟子苦提  
 等上啓釋迦世尊十方三世諸佛盡虛空遍法界常  
 住三寶伏惟師主誓弘聖教普度羣生捨身命財燒  
 身為燈普為一切供養諸佛謹割耳刺心用血洒地  
 奉代師主普為一切供養諸佛伏聞大覺慈父愍育  
 含生哀傷物命大悲熏修濟拔含識動經塵劫臨唱  
 涅槃諸天勸請遂駐恒沙隨喜凡聖是以某等伏見  
 師主并山門眷屬二十許人將欲莊嚴佛刹雷動法  
 音震無畏鼓廣利無邊剋已灰身成就勝德此實難  
 思上行非凡境界某等不以銜愆帶罪罪垢深重今  
 謹割耳燒指殷勤勸請譬若窮子伶俜失父况乃含  
 胎喪母則暗墮冥壑杳無智日像法即頽慧光隱沒  
 衆生擾擾沒溺愛河痛哉傷悼伏願師主停威駐影  
 久留世間顧念含靈慈悲六趣接養孤窮利安貧老

逼使迷徒咸蒙覺悟等契無生俱歸寂滅伏願大慈  
 一垂降許次有比丘尼法脫法堅等十五人各持三  
 日不食上齋留師久住闡揚正教復有比丘普濟居  
 士傅長傳遠等四十二人稽首和南大士膝下伏聞  
 佛日初輝思惟三七為衆生根鈍著樂癡盲寧不說  
 法疾入涅槃於是釋梵祈勸即轉法輪爾所年中常  
 注法雨利益無量潛光八樹委法四依師主協本誓  
 願超然挺拔端坐雙林不辭勤苦欲廣弘佛法流通  
 正道如何便欲克日闍維嬰孩失母未足為喻海紅  
 破沒亦非為苦本師世眼智月已虧慈氏明導慧日  
 未朗當今長夜正須照燭濟等決志刺心洒血塗地  
 特乞留心卒闍浮壽  
 太清三年梁運將終災禍競興大士鄉邑逢災所有  
 資財散與飢貧課勵徒侶共拾野菜煮粥人人割食  
 以濟閭里  
 大寶元年二年大士又課徒衆煮粥皆如太清故事  
 其年春作里無耕牛大士乃遣弟子自植將牛助人  
 耕地取足已田唯耕畝半

承聖元年正月十六日大士又捨田園家業牛犢倉庫奉設法會自是每年正月十日捨米二千斛奉設法會說偈曰

傾資爲羣品 奉供天中天 仰祈甘露雨

流注普無邊 六道咸蒙潤 四趣等皆然

普會實無實 齊證堅無堅

紹泰元年四月二十日大士告衆曰我聞大覺世尊曠劫以來捨頭目財寶利安六道又聞經言佛法欲滅先有衆災雲集人民困苦死亡者多次有水災如今所見次第當至誰能普爲一切衆生不惜身命復持不食上齋燒身滅度以此身燈普爲一切供養三寶請佛住世普度衆生六月二十五日弟子范難陀者奉持上齋遂於雙林山頂燒身滅度至九月十五日比丘法曠於始豐縣天台山下燒身滅度太平元年三月一日次有優婆夷子嚴於雙林山頂赴火滅度

陳永定元年二月十八日大士告衆曰今世界衆災不息人民困劇誰能苦行燒指爲燒普爲一切供養

三寶請佛住世普度羣生時有比丘慧海菩提法解居士普成等八人謹奉命比丘法如居士寶月二人鉤身懸燈大士又曰誰能割耳出血和香洒地普爲一切供養三寶時有比丘智雲等一十二人沙彌慧普等十人又有普知慧炬等二十三小兒善覺等一十七人總六十二人謹奉命割耳出血和香洒地大士又曰誰能持不食上齋請佛住世時有比丘曇展等二十六人沙彌尼慧堅等九人小兒法極妙貞優婆夷平等法瓊等十人道士陳令成徐尹等總四十九人奉持不食上齋大士謂衆曰我同度衆生之伴去將盡矣唯潘徐二人不出其名如弟子傳普敏則是文殊沙門慧和是我解義弟子亦是聖人然行位不高慧集上人是觀世音與我作弟子昌居士是阿難昌在世形容行業還示闍劣世人不免輕之乃誠諸弟子曰汝等莫輕昌居士佗捨命甚易無餘痛惱顏色鮮潔倍勝平常捨命之後大士方說是阿難耳嘗有一沙門來詣大士曰聞大士修菩薩行菩薩之人乞頭與頭乞眼與眼國城妻子皆所不吝今就

大士乞手中香爐若與卽眞菩薩不與卽非也大士  
 曰捨與不捨悉非菩薩沙門強自持去得十許日復  
 來問曰前有人逼奪香爐於意云何大士曰得如本  
 有失如本無唯願上人擎爐焚香供養諸佛生生世  
 世增進菩提常爲善友沙門懷愧送香爐還先有沙  
 門僧朔等四人自信安來遊雙林我慢不禮忽見大  
 士身高丈餘金色晃耀不覺稽首願爲弟子後隨入  
 都住蔣山下定林寺一日見白光在大士座前疑是  
 白氈以手取之光還大士乃無可竟大士曰爾後設  
 有所見不用取也時定林寺草木常降甘露諸蟲來  
 食人物雲集殺傷至多大士欲遷他處是夕露止蟲  
 去遂止尋還雲黃

天嘉元年弟子慧榮等欲建龍華會大士曰汝可作  
 請佛停光會龍華是我事也若從吾言定見龍華矣  
 大士又曰吾悟道已四十劫釋迦世尊方始發心蓋  
 爲能捨身苦行所以先我成佛耳

天嘉二年大士在山行道常見七佛在前維摩從後  
 因謂弟子云七佛之中唯釋迦數與我語餘佛不也

數數如是問曰餘佛何爲不語答曰釋迦今正統此  
 世界我當紹繼是故世尊數與我語問曰那不見他  
 方佛但見七佛耶答曰七佛雖去世綿遠由共緣此  
 世界故也問大士知人心中所念否答曰不也我常  
 遊無生至理轉勝於昔問曰經曰一受不退常寂然  
 云何失宿命智乎答曰我今作凡夫用有與廢然用  
 中始終亦不失矣今時不具足現道樹時乃當具耳  
 然諸弟子遠行當歸亦自知其到日此少宿命智通  
 耳有會法師者欲試大士率八十餘人忽來索食大  
 士常饜饍給四人妙光憂之大士手自行飯衆悉飽  
 足

天嘉四年正月十二日大士又捨五百斛米三十束

絹奉設法會乃說偈曰

竊聞佛法將欲滅

憂愁怖畏實難當

衆災亂起數非一

含識遭值盡中傷

如何衆生遭此苦

悲念切抱益皇皇

今與妻兒捨田業

身命財物及餘糧

遍爲十方設三會

并燒塗末雜薰香

煙雲妙色獻三寶

願爲如意出芬芳

奉供人天大慈父

啓請調御心中王

唯願哀愍諸羣生

留情久住放慈光

照燭六道四生類

蒙澤悟解等金剛

增加神通恒自在

堅固勇猛救危荒

蕩除世界災穢惡

安泰皎潔若西方

金池玉沼皆湧出

珍華寶樹悉鏗鏘

適悅羣生無短乏

尊榮富貴壽延長

得修無爲入正道

齊超不二涅槃常

天嘉五年歲次甲申正月十七日營齋至二月八日

轉法華經二十一遍又於會稽鑄寶王像十軀設無

遮法會其月九日又建禳災無礙法席十日轉涅槃

經一部燃長命燈自後五年凡設六會如前供養

嵩頭陀入滅大士心自知之乃集諸弟子曰嵩公已

還兜率天宮待我同度衆生之人去已盡矣我決

不久住於世乃作還源詩十二章大士既涅槃時至

亦預有徵應先是雙林及雲黃兩處房前皆生瑞梨

樹其上常有甘露四時不絕乃忽萎黃漸至枯死時

大建元年歲次己丑夏四月丙申朔大士寢疾告其

子普建普成二法師曰我從第四天來爲度衆生故

汝等慎護三業精勤六度行懺悔法免墮三塗二師

因問曰脫不住世衆或離散佛殿不成若何大士曰

我去世後或可現相至二十四日乙卯大士入涅槃

時年七十三肉色不變至三日舉身還煖形相端潔

轉手柔軟更七日烏傷縣令陳鍾耆來求香火結緣

因取香火及四衆次第傳之次及大士大士猶反手

受香沙門法瓊等曰我等有幸預蒙菩薩示還源相

手自傳香表存非異使後世知聖化餘芳初大士之

未亡也語弟子曰我滅度後莫移我臥牀後七日當

有法猛上人送織成彌勒佛像來長鎮我牀上用標

形相也及至七日果有法猛上人將織成彌勒佛像

并一小銅鍾子安大士牀上猛時作禮流淚須臾忽

然不見始大士寢疾弟子恐其滅度乃問曰如或不

可諱則靈樞若爲安厝答曰將我屍於雙林山頂如

法焚之以其灰骨分爲二分一安山頂塔中一安塚

問曰若不遂所願欲依世俗禮葬若爲安置答曰若不獲我願則不須材器但累甃作牀卽疊我屍於其上以三尺屏風繞之以絳帳覆之可也又囑弟子徐普拔等曰我去後若猶憶我汝當共迎慧集上人遣形還山共爲佛事於是弟子竟不奉大士初命而特用漢禮并迎集上人屍於潛印渚松山之隅與大士鄰墳而葬

大建四年九月十九日弟子沙門法璠菩提智瓊等爲雙林寺啓陳宣帝請立大士并慧集法師慧和闍黎等碑於是詔侍中尙書左僕射領大著作建昌縣開國侯東海徐陵爲大士碑尙書左僕射領國子祭酒豫州太中正汝南周弘正爲慧和闍黎碑

大士在日當以經目繁多人或不能遍閱乃就山中建大層龕一柱八面實以諸經運行不礙謂之輪藏仍有願言登吾藏門者生生世世不失人身從勸世人有發菩提心者志誠竭力能推輪藏不計轉數是人卽與持誦諸經功德無異隨其願心皆獲饒益今天下所建輪藏皆設大士像實始於此山有古松大

士曾於松間願度衆生以斧爲誓至今松木斧痕猶在其飼虎之餘飯棄擲林間化而爲石青白錯雜可作數珠謂之飲石靈異之迹豈容思議耶

善慧大士錄卷第一

善慧大士錄卷第二

陳太建五年菩提等上啓於宣帝請爲本寺護法檀越帝答書可之菩提等又作書與朝貴以下曰伏惟亡師大士在世之時頻詣梁武帝弘宣正道多逢惱鄣請朝貴爲護法檀越竝蒙弘獎今徒衆弟子奉遵遺教紹繼慈旨輒依先仰請爲護法特願垂許於是自朝廷宰貴以下至于士庶具題爵里願爲護法檀越者甚衆禎明元年大士長男普建法師燒身滅度隋開皇十五年二月十五日文帝作書與弟子沙門慧則等曰皇帝敬問慧則法師如來大慈矜念羣品救度一切爲世津梁朕君臨天下重興法教欲使三



寶永崇四生蒙福汝等歸依正覺宣揚聖道想勤修梵行殊應勞德秋暮已寒道體如宜也今遣使人指宣往意

開皇十八年帝又與書曰朕受天命撫育黎元尊崇三寶情深救護望十方世界一切含靈蒙茲福業俱登仁壽汝等棲身淨土投志法門普爲羣生宣揚聖教又知比來爲國行道勤修功德當甚勞心汝等弘此慈悲精誠苦行廣濟衆品深慰朕懷既利益處多勿辭勞也

仁壽元年正月十五日帝又書曰朕尊崇聖教重興三寶欲使一切生靈咸蒙福力法師捨離塵俗投志法門專心講誦宣揚妙典精誠如法深副朕懷既利益羣生當不辭勞倦

大業元年煬帝書曰朕欽承寶命撫育萬方思弘德化屢被遐邇况復昔居藩屏作牧江都所管之內臨踐日久輿言唯舊有異常情今者巡省風俗爰屆淮海山川非遠瞻望載懷薄寒道體清豫廣修淨業寔足津梁既以弘濟爲心不爲勞也

是後僧徒住持自朝廷至于郡縣官司多保護之其大士遺跡雖歲月淹久至今在者稽停塘下漉魚潭一所佛殿及九層塔各一所法猛上人織成彌勒像及小銅鍾子一口大士所臥大牀一張莞席一領木帳一具木枕一枚牙塔子牙菩薩二軀白石像一軀蓑像二軀蓑硯一面蓑排筆架一具蓑水盂一口扣天門槌一雙武帝水火珠一顆麈尾扇一柄香奩一具遮日扇兩柄張僧繇畫菩薩兩鋪西國獻獨榻牀一張其餘屋宇園池等皆大士在時所有其事煩碎不復具載

大士凡所有著述不以文字爲意但契微妙至真之理冀學者因此得識菩提之門耳其所爲衆生說法亦不過數句所聽者各隨性分得解也初大士每與弟子等說大乘道未嘗告倦時比丘智雲從容啓大士曰師主嘗說六度及四等未知云何是度云何是等大士答曰雖行布施而不畢竟住於喜捨雖行持戒而不畢竟住於調伏雖行忍辱而不畢竟住於無瞋雖行精進而不畢竟住於忘身證法雖行禪定而